

QVÆSTIO MEDICA

CARDINALITIIS DISPUTATIONIBVS

MANE DISCVTIENDA

IN SCHOLIS MEDICORVM

die Iouis 12. Martij.

M. FLORIMVND0 LANGLOIS

DOCTORE MEDICO, PRÆSIDE.

Est-ne vnquam salubris ebrietas?

I.

QVANTVM ab optimo corporis statu recessit, qui ebrius est homo; tantum à ratione videretur alienus, qui ebrietatem, brevis temporis insaniam, vellet inter res homini salubres numerare. Hæ ita sunt à naturâ, vel ab arte comparatæ, vt earum moderato, ac legitimo vsu, bona corporis valetudo sustentetur, amissâ valeat recuperari. Nec aliâ de causâ salubritatis laudem meretur, quæ ad incolumitatem nostram procreata est rerum non naturalium familia: tantave auxiliorum seges, quæ rationis & experientiæ ductu à Medicis inuenta, ægrotantium saluti succurrit. Scilicet temperatus rerum non naturalium modus, quam potest, homini pollicetur immortalitatem, qui animo quieto naturæ, non voluptatis appetitionem satiaret: at saltem firmissimum sanitatis robur conciliat ad omnes tum corporis, tum animi functiones alacriter obeundas, quò tota integræ sanitatis ratio spectat. Verum diuinæ artis præsidia nihil non salutariter præstant, vt longius arceatur fatale quoddam exitum, quoties impuri humoris colluies in visceribus turbas facit: aut in spiritibus accensis, & flammato sanguine ardet morbi seditio, vnde tota corporis œconomia conturbaretur, cor validissimum vitæ propugnaculum, atque ipsa arx sapientiæ cerebrum conflagrarent. Tunc enim vtrobique salubrem experitur homo alimentorum, & medicamentorum opem: seu laudabilis gignendus sit, & pro vitioso reponendus alendo corpori melior sanguis: seu seditiosi humores franandi, sedandi, ejiciendi: vt cum luculentâ quâdam corporis temperatione ingratiâ redeat præclarus mentis decore, quo cæteros animantes vincit, qui vnus ab ebrietate turpiter vinci solet.

HOMINI salubris est aër, qui tenuitate, & calore temperatus, non modo salutarem spiritum, & humores nitidos præbet, sed languidum in corde caloris natiui focum veluti flabello ventilat, & accendit. Hujus longè major est ad viuendum necessitas, quàm aut exercitationis, & somni corpore roborandò; aut immutandò vigiliarum, & animi pathematum salubritas: quæ nunquam tanti æstimatur, quanti alimentorum. Quò enim diutius morantur in corpore, eò major est eorum vis ad valetudinis curam. Quamobrem cibus qui ventriculi calore conficiendus excipitur, si facilis fuerit coctionis: si (veluti panis triticeus, recentia oua, capi aut vituli caro) multum, optimumque suppeditat succum: is procul dubio, nisi aliunde peccetur, vitalis liquoris temperiem induet, ac naturam: vnde nullà excrementorum sarcinà retardatus, quoquoersum deferat potissimum inculpatæ valetudinis pignus. Tandiu retineri poterit, quandiu vel salutis inimica intemperantia, vel deterioris conditionis alimenta nondum eam alluierint fordidum copiam, ex quâ ægotandi toties, ac denique moriendi necessitas. Atque ideo potuum omnium saluberrimus aquæ liquor, quia tardum dictu, vtrum secundæ valetudini magis proffit, vtrum magis medeatur aduersæ. Sed vini, vt linguæ, vsus est plerumque noxius. Hoc pueris interdicitur & mulieribus, quas silentium & castitatis amor commendat; nec non prudenti cuius rerum vrbiumque Moderatori, seu is summum autoritatis, seu ætatis apicem fuerit affectus. Malè igitur senes vini potu tanquam lacte alis, bene venerem, cui tamen nocet ebrietas, ne scilicet quemadmodum arthriticus arthriticum, sic ebrius sibi simile monstrum procrearet. Quæ sterilitas vberimà malorum fecunditate cumulatur. Absint à Baccho Nymphæ, quod bibis ignis erit, qui viscera exurens, tot morborum semina suscitabit, quot euellere vix poterunt saluberrima artis præsidia, venæ sectio & purgatio

I I I.

CLAVSAM pudori, & sanctimonix domum habere videntur, quam religiosi viuerent moribus, qui salutæ pietatis, nedum sanitatis curâ, hominem ad sapientiam natum ebrietatis insanix adducunt, mortis fugiendæ causâ. Vel expediant morum Magistri, vtrum suo salubrius est quàm hostili confici gladio? Nec à virtutis semitâ aberrabit, qui temulentix se tradet? qua fit, vt vita somnium sit ebrio, somnus verò ipsa mors. Adeo insensum est, atque diuinæ menti inimicum ebrietatis flagitium. Ab hac multum discrepat iucunda quædam inter bibendum remissio, quâ diluitur quicquid in homine vel frigidæ tristitiæ, vel torpentis verecundiæ fuerit. At si quis in potum ita se inmersit, vt id sequatur omnium ferè corporis, tum maxime principum animi functionum injuria, ebrietas est, in illota semper, nedum in ingenuo viro pudenda. Seu ex vino, seu ex pomaceo, seu denique ex cereuisiâ oriatur; alia ab aliâ vaporis modo, motu, & diuturnitate differet, vix eâ, quæ compotori inferetur, noxâ. Quanquam vinum nonnullâ salubritatis larvâ ad cuiusque mores se accommodat, mansueti quidem, joci; tristi ac seueri, terroris; desidiolo, veterni; iracundo,

furoris poculum ministrat : omnibus tamen velis fugiendum, ne naufragam corporis nauim fracto mentis clauo, longè à salutis portu inter morborum scopulos demergat in mortis profundum. Splendescat velim, blandiatur, dum visceribus extra modum instillatur innocens huc vsque liquor, qui indignans, si quem coctioni morem gerit, magis ac magis effervesceat in ventriculo; vnde vix comminutas epulas, quâ vomitu, quâ deiectione cum viscerum cruore disturbat: nec fecus ac colubet, per flexuosas alui & venarum vias serpit ad rationis sedem. Edentulum hauferas, & ecce interanea obiter tam maligno dente mordet, quàm acri pungit aculeo: singulisque ferè partibus, tum præcipuè cerebro aspergens ebrietatis venenum, de optimâ corporis, & animi constitutione diuinum animal deiecit infra pecudum sortem.

I V.

SÆP E conuiuium ebrietatis est theatrum, in quo plures excitantur tragœdiæ. Personas quæris? Voluptas, temulentia, animi & corporis fitima valetudo, compotiores. Argumentum? Pugnat ebrietas aduersus sanitatis & iudicii vires. Actionis tempus? Vix Solem orientem videt, vel occidentem. Scenam? Inter fercula & lagenas. Hanc aperit valetudo à nonnullo ebrietatis contemptu, quæ injuriam stomachatur, & vitionem parat, subornatâ valetudinis olim pedisequâ voluptate. Hæc nempe sibi parum esse arbitrata quod saluti sufficeret, auidæ ebrietati jungit se sociam, & valetudinis inimicam. Ambæ communi fœdere auxiliares implorant compotorum manus, quorum artibus & poculis adjuta ebrietas de firmissimo corporis & animi statu triumphat, Agonotherâ, furore; proposito victoriæ præmio, culpâ ebriorum lachrymis inexpressibili. Quid rides? Mutato nomine de te fabula narratur. Qui bene natus cibo vitatur, & potu ne noceat, is fruitur functionum omnium integritate. Virginalis est, vel minimâ intemperiei labe contaminatur, nedum exitiali temulentia vitio, quæ per se acutissimus est morbus, & morborum iliadem parit, dum velut sulphuri ignem, tot ferculis vinum addit exterum & longinquum; cùm multo salubrius esset nullum bibere, vel patrium. Scilicet suadente vini fallaciâ, crudus quisque se rursus ingurgitat, eâque obruit vini copiâ, quæ cibos alioqui suauissimos, & ad concoquendum facillimos in ventriculo corrumpit, & igneis propemodum viribus adurit. Id vitij, vt tacere vellet garrula in vino veritas, probaret saltem ructuum orisque fœtor, nec insonnis, perturbatiora somnia, sitis ex viscerum ardore inexpressibilis, cui aqua, non minùs quàm ebrietati salutaris sit medicina. Hoc vtinam potu extingueretur, ne altius serpeteret, vini flamma! Sed cui parcat quæ suo auctori non pepercit? Vna cum hepatis, cordis, & cerebri virtute, caloris natiui fundum populatur, inflammât, sanguinem torret, humores liquefacit; vnde homo malorum imbre aspersus, titubât, balbutit, pallet, in ipso iuuentutis flore tremit, arescit, insanit, sæpe fortunatior inter tot ærumnarum miseras, si pestiferâ quâdam vini qualitate percussus, non vitam, sed ebrietatem cum morte commutare.

MVLTVM igitur recta deprauant ingenia, dum recta corrigere videntur, qui gratis docent saluti ebrietate consulendum, quasi verò nec hominis articulos arthritide contunderet, nec eum torqueret diris vesicæ & viscerum morbis. Nouerint potius qui mutatâ litterulâ gratis nocent, & de sapientiâ humanâ ludant impune, tam anceps quartanâ curandâ, & periculosum esse ebrietatis remedium; quam rumpendâ Iasonis vomicâ, diuini licet fortunæ vlnus. Longè sapientiùs Asclepiadarum gens sanitatem temperantiâ tuetur, & restituit. Edendi scilicet bibendique desiderium eâ leuat cibi, potusque medicinâ, quâ tantum adjicitur corpori, quantum in dies singulos ab eo effluxit. Id lance ne ponderes velim, sed aliquo satietatis modo, ultra quem à gulâ metues exitium. Mentem referas è conuiuio bonarum cogitationum epulis saturatam, nunquam vini onere grauem. Vides enim, vt qui vini plenus est, quemadmodum mare, momento vertitur: nec illi vox vna, nec faciei color vnus. Anhelat ad dolium, nec hunc pedes, nec gradiendi membra sustinent. Diceres Copernici auditorem, cui moueri terra, stare Sol, & geminus videtur. Adeo vanæ imagines vinosos turbant, qui trepidantis corporis vmbra extimescunt: sibi tamen belli videntur, audaces, Imperatores; hoc turpiore artis Medicæ fato, vt id habeat cum ebrietate commune, quod Imperatoribus imperat. Quid ita? Nempe sicca esse debet, ne consilio & ratione deficiatur anima. At vini vaporem mader, quo spiritus sensuum intellectusque ministri concrescunt, obscuri, impuri, desultorii: nec modo liberum sapientiæ iter rerum speciebus præcludunt, vnde minuitur, & obstupefit tota animi vis: verùm etiam quæ adeo munda esse debet sensuum officina, tota spirantium ad caput humorum excrementis inquinatur, quibus tanquam visco adhærescit sentiendi ac mouendi facultas; atque vt ignis minor à maiore, sic moderatus corporis calor ab immodico vini ardore ita extinguitur, vt quem modò inuitabas ad bibendum, is penè morbo confectus vinoque sepultus ad tumultum efferatur.

Nunquam igitur salubris ebrietas.

Asserebat Lutetiæ CAROLVS LE LONG, Præuinaus,
A. R. S. H. M. DC. LXV.